

Sanhgyangh Vwnzva Caeuq Lijyouz Doxgap Yinx Hek Daeuj

3 nyied 13 hauh, Fuzdaz Vwnzlij bineix aen daih' it cien vunz lijyouzdonz byaij haeuj Sanhgyangh Duncuz Swciyen. Gyoengq bouxhek youz Mbanjdung、cimz ngaiz Duncuz、yawj cezmuз daengj bae caenhcingz daejniemh daegsaek Mbanjdung. Gyawj geij bi neix, Sanhgyangh genhciz “aeu swnghdai laeb yienh, aeu lijyouz coengh lwgminz bienq fouq”, dawz lijyouz caeuq vwnzva doxgap hwnjdaeuj, caemhcai q caeuq gizyawz hangznieb yungzhab, daezsang gij mingzdaeuz Sanhgyangh, hawj ginghci yienh neix hwngfat ndaej engq ndei.

(Gungh Bujangh Houz Yinzyingz/龚普康 侯芸莹)

► Gyoengq canghheiq yienjok gij cezmuз gig miz daegsaek Duncuz.



Langhbaij Minzsug Mbaenjgouz Sou Ndaej Lai

Seizcin daeuj lo, sojmiz doxgai q dauq ndiu. Mboengq-neix, Yinhcwngz Yen Gujbungz Cin youq henz Dahbangzgyangh banh hozdung langhbaij minzsug vwnzva dajndaem. Hozdung yienjok conzdungj vwnzva Bouxcuengh hawj vunzlai caeuq bouxhek yawj, lumjbaenz aemq nyez ma ranzmeh、gonh raemx、fouxlungz fouxsaeciej、youq ndaw raemx bengcag daengj. Gyoengqde yienghneix bae mbaenjgouz biengz dingh vunz onj、fwn yinz rumz dingh、doenghgohaeux maj ndei sou ndaej lai.

(Fanz Saugvangh/樊绍光)



▲ Gyoengqvunz youq henz Dahbangzgyangh langhbaij minzsug “aemq nyez ma ranzmeh”.

Mbawcaz Lingzyinz Bienq “Mbaw Gim”

Gingcig gvaq le, Lingzyinz Yen gij dieggoek ndaem caz daengz mwh mbaet caz lo. Gyawj geij bi doxdaeuj, Lingzyinz aeu gij hingzik “gunghsw + hozcozse + gihdi + ranzguhnaз” bae guh canjnieb mbawcaz. Daengx yienh seizneix miz 12 fanh moux suencaз, bi' gvaq cazhawq gungh miz 6028 dun. Mbawcaз bienqbaenz “mbaw gim” coengh gyoengqvunz demsou, saedyienh hwngfat giyez caeuq mbanjungzhoj duetgungz bienq miz “song hingz”.

(Lij Caijlanz/李彩兰)

Ginhsiu: Seizcin Itheij Daeuj Ndaem Faex Ba



▲ Vunzmbanj caeuq bouxgagnyienh rap dinfaex hwnj ndoi bae ndaem.

3 nyied 12 hauh, Ginhsiu Yauz-cuz Swciyen Cangzdung Yangh banh aen hozdung ndaem faex “minzcuz doxgiет fwngz yien fwngz, caez henhoh raemx saw ndoeng heu”. 30 bouxgagnyienh bae daengz Mbanjyauз Doengzvuengz bang vunzlai Yauzcuz ndaem godauз. Gyoengqde song boux guh cuj ndeu, mwngz gvak gou canj, mwngz rex dinfaex gou lumx namh, ndaem 1300 go “faex doxgiет”. Aen seizcin neix, Mbanjyauз Doengzvuengz gaenq ndaem le 250 moux va, vih hwngfat lijyouz lajmbanj caep maenh giekdaj.

(Liengz Cunhyi/梁春玉)